

第三七二册

明倫彙編
氏族典

(卷)

趙姓部

矯嶠

羣

紹表

兆曉

鮑皎

四六—四三

繞島姓

肇漁

諸姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

鮑姓

鮑皎

四三

古今圖書集成

中華書局影印



古今圖書集成

中華書局影印

欽定古今圖書集成明倫彙編氏族典
第四百二十八卷目錄

趙姓部列傳二

晉

趙至

趙誘

趙引

趙元

趙整

趙遷

朱

趙倫之

趙伯符

南齊

趙僧嚴

梁

趙伯超

陳

趙知禮

北魏

趙溫

趙逸

趙柔

趙黑

趙琰

趙令安

趙默

趙熾

趙煦

趙修

趙邕

趙翼

趙趙宗

趙令勝

趙遐

趙叔隆

趙穆

趙懿

趙子素

趙拔扈

北齊

趙起

趙彥深

趙猛

趙輔和

趙深

北周

趙貴

趙善

趙文表

趙剛

趙昶

趙肅

趙文深

隋

趙哭

趙芬

趙綽

趙才

趙軌

趙仲卿

趙元淑

趙昱

趙師雄

唐

趙弘智

趙文恪

趙師

趙武孟

趙不器

趙師舉

趙孝祖

趙元

趙彥昭

趙冬職

趙驛

趙熙正

趙居貞

趙奉璋

趙蕤

趙涓

趙憬

趙延之

趙宗儒

趙翺

趙植

趙昌

趙矜

趙博宣

趙德

趙知微

趙榮

趙隱

趙縱

趙和

趙德誼

趙觀文

後梁

趙昶

趙肇

趙光逢

趙翊

趙匡凝

後唐

趙鳳

趙玉

後晉

趙瑩

趙在禮

後漢

趙思綰

後周

趙延義

趙延義

氏族典第四百二十八卷

趙姓部列傳二

晉

趙至

按晉書趙至傳至字景真代郡人也寓居洛陽詣師

受業聞父耕叱牛聲投書而泣師怪問之至曰我小

未能榮養使老父不免勤苦師甚異之年十四遇嵇

康十六游鄴復與康相遇隨康還山陽改名浚字允

元及康卒詣魏興見太守張嗣宗甚被優遇嗣宗遷

第三七二冊 之一葉

江夏相隨到潁川欲因入吳而嗣宗卒乃向遼西而占戶焉至有縱橫才氣遼西舉郡計吏到洛與父相遇時母已亡父欲令其官立弗之告仍戒以不歸至乃還遼西幽州三辟部從事斷九獄見稱精審太康中以良吏赴洛方知母亡初至自恥士伍欲以宦學立名期於榮養既而其志不就號憤慟哭嘔血而卒

趙誘

按晉書趙誘傳誘字元孫淮南人也世以將顯州辟主簿值刺史郗隆爲其下所害誘還家杜門不出王敦以爲參軍與甘卓周訪共討華軼破之又擊杜弢滅之累功賜爵平阿縣侯侯陶侃爲武昌太守時杜會迎第五猗於荊州作亂敦遣誘與朱軌共距之戰沒諡曰敬子龔與誘俱死

趙引

按晉書趙誘傳誘子引字伯舒王敦使周訪擊杜會引請從行多梟首級王導引爲從事中郎南頓王宗反引殺宗於是王導庾亮並倚杖之轉冠軍將軍遷西豫州刺史卒於官

趙元

按萬姓統譜晉師伐秦秦將姚洸時鎮洛陽洸部將趙元說洸曰寇逼已深百姓駭懼衆寡勢殊難以應敵宜攝諸戍兵士固守金墉以待京師之援時洸司馬姚禹潛通於檀道濟固勸洸出戰洸從之泣謂洸曰元受三帝重恩所守止死耳但明公不用忠臣之言爲奸孽所誤後必悔之會陽城及成臯榮陽武牢諸城悉降元死於陣

趙整

按萬姓統譜整洛陽人符秦時爲散騎常侍常盡忠匡諫時秦主堅頗好酒色整常爲詩上之曰昔聞孟津河千里有一曲此水本自清是誰使令濁堅正色曰朕之過也

趙遷

按魏書趙遷傳遷伯父遷姚長尚書左僕射卒於長安

宋

趙倫之

按宋書趙倫之傳倫之字幼成下邳僮人也武穆皇后之弟幼孤貧事母以孝聞武帝起兵累遷雍州刺史及受命以功封青城縣侯安北將軍鎮襄陽少帝卽位徵拜護軍元嘉三年拜鎮軍將軍尋遷左光祿大夫五年卒于伯符嗣

趙伯符

按宋書趙倫之傳倫之子伯符字潤遠少好弓馬倫之在襄陽伯符爲竟陵太守時竟陵蠻屢爲寇伯符悉破之由是有將帥之稱文帝卽位累遷徐兗二州刺史爲政苛暴吏人畏之若豺虎然而寇盜遠竄無敢犯境元嘉十八年徵爲領軍將軍二十一年轉豫州刺史明年爲護軍將軍子倩尚文帝第四女海鹽公主始興王濬與公主私通事聞有詔離婚伯符慙懼發病卒諡曰肅

南齊

趙僧巖

按尚友錄僧巖北海人寥廓無常人不能測與劉善明友善明爲青州欲舉爲秀才大驚拂衣而去後忽

爲沙門栖遲山谷嘗以一壺自隨一旦謂弟子曰吾今夕當死壺中至夜而亡

梁

趙伯超

按萬姓統譜伯超嘉興人太清二年吳郡信義俱爲侯景所陷餘郡縣皆望風披靡伯超守錢塘其城堅不可拔

陳

趙知禮

按陳書趙知禮傳知禮字齊旦天水隴西人也父孝穆梁侯官令知禮涉獵文史善隸書高祖引爲記室參軍侯景平封始平縣子高祖爲司空以爲從事中郎高祖入輔遷給事黃門侍郎高祖受命遷通直散騎常侍尋遷散騎常侍守太府卿天嘉元年進爵爲伯王琳平授明威將軍吳州刺史知禮沈靜有謀謨每軍國大事世祖輒令璽書問之秩滿爲明威將軍太子右衛率遷右衛將軍六年卒諡曰忠子允恭嗣

北魏

趙溫

按魏書趙溫傳溫兄溫字思恭博學有高名姚泓天水太守劉裕滅泓遂沒於氏氏王楊盛盛子難當既有漢中以溫爲難當府司馬卒於仇池長子廣夏中書博士

趙逸

按魏書趙逸傳逸字思羣天水人也十世祖融漢光祿大夫父昌石勒黃門郎遂仕姚興歷中書侍郎爲興將齊難軍司征赫連屈丐難敗爲屈丐所擄拜者

作郎久之拜寧朔將軍赤城鎮將綏和荒服十有餘年百姓安之所著述詩賦銘頌五十餘篇

趙柔

按魏書趙柔傳柔字元順金城人也少以德行才學知名河右世祖平涼州內徙京師高宗踐阼拜為著作郎後出為河內太守甚著仁惠

趙黑

按魏書趙黑傳黑字文靜初名海本涼州隸戶自云其先河內溫人也五世祖述晉末為平遠將軍因居酒泉安彌縣海生而涼州平沒入為閹人因改名為黑有容貌恭謹小心世祖使進膳出入承奉初無過行遷侍御典監藏拜安遠將軍賜爵睢陽侯轉選部尚書進爵河內公是時尚書李斯有寵於顯祖與黑有隙訢竟列黑為監藏時多所截沒先是法禁寬緩百司所典與官並食故多所損折遂黜為門士踰年還入為侍御散騎常侍侍中尚書左僕射出為定州刺史進爵為王太和六年薨諡曰康

趙琰

按魏書趙琰傳琰字叔起天水人父溫為楊難當司馬初苻氏亂琰為乳母攜奔壽春年十四乃歸孝心色養飽熟之節必親調之初為兗州司馬轉圍城鎮副將還京為淮南王他府長史卒

趙令安

按魏書石文德傳天水白石縣人趙令安四世同居行著州里詔標榜門閭

趙默

按魏書趙柔傳柔子默字冲明武威太守

趙熾

按魏書趙熾傳熾族弟趙奴子熾為後熾字貴樂初為中散後官至揚州安南府長史神龜中卒長子探字景則官至樂陵太守探弟偶之字仲彥為給事中轉謁者僕射卒

趙熙

按魏書趙琰傳琰子熙字寶育好音律以善歌聞於世位秦州刺史

趙修

按魏書趙修傳修字景業趙郡房子人父惠安後名謚陽武令修本給事東宮為白衣左右頗有膂力世宗踐阼仍充禁侍愛遇日隆歷員外通直散騎常侍鎮東將軍光祿卿每受除設宴世宗親幸其宅諸王公卿士百寮悉從修之葬父也百寮自王公以下無不弔祭酒憤祭奠之具填塞門街修道路嬉戲殆無聲客或與賓客奸掠婦女從者噉啗喧譁詈罵無節莫不畏而惡之高肇甄琛等構成其罪詔鞭一百徙燉煌為兵行八十里死

趙邕

按魏書趙邕傳邕字令和自云南陽人司空李冲之貴寵也邕以少年端謹出入其家高祖太和中至殿中監世宗即位猶居本任趙修結為宗援稍遷至殿中將軍邕父怡太和中歷郢州刺史停家久之以邕寵召拜太常少卿出除荊州刺史遷光祿大夫卒世宗每出入郊廟修恆陪乘而邕執轡同載時人號為二趙世宗崩邕兼給事黃門俄轉太府卿出除平北將軍幽州刺史在州貪縱孝昌初卒

趙翼

按魏書趙逸傳逸伯父遷遷元孫翼初為平昌太守有治稱入歷軍校加鎮遠將軍長史為領軍元父所知遷光祿大夫卒

趙超宗

按魏書趙逸傳逸伯父遷遷元孫翼翼從子超宗有將略太和末為豫州平南府長史帶汝南太守賜爵尋陽伯賂太傅北海王詳詳言之於世宗除持節征幽將軍岐州刺史徙河東太守卒官諡曰成伯

趙令勝

按魏書趙逸傳趙宗弟令勝疎狂有膂力歷河北恆農二郡太守並坐貪暴為御史所彈遇赦免神龜末自後將軍太中大夫出為恆農太守卒官

趙遐

按魏書趙逸傳翼從子遐初為軍主從高祖征南陽以功封平南縣開國子後督巴東諸軍事以輔國將軍出為滎陽太守時蕭衍將馬仙琕率眾攻圍朐城遐進救坐失利免官延昌中起為光祿大夫使持節假前將軍防捍西荊又為別將隸蕭寶夤東征淮堰熙平初出為平西將軍汾州刺史卒諡曰襄子子獻襲爵

趙叔隆

按魏書趙逸傳翼從子叔隆步兵校尉以貨自通拜冠軍將軍中散大夫尋遷左軍將軍太中大夫賂司空劉騰出為中山內史在郡無德政專以貨賄為事時論賤之

趙穆

按魏書趙逸傳翼從子穆善書記有刀筆之用爲汾州平西府司馬翼臨亡以穆託領軍元叉以穆爲汝南內史

趙懿

按魏書趙逸傳翼子趙宗趙宗子懿歷員外常侍尚書郎

趙子素

按魏書趙逸傳翼從子遐遐子子素司空長流參軍

趙拔扈

按萬姓統譜拔扈新城人兄震動富於財爲太守樊文茂所殺拔扈走免亡命至杜樹呪曰文茂殺兄今欲報之若事克斫樹處便生不克即死三宿而樹生遂聚衆至成都殺文茂而還

北齊

趙起

按北齊書趙起傳起字興洛廣平人也父達幽州錄事參軍起性沈謹有幹用高祖以爲授典籤除奉車都尉天平中徵爲相府騎曹累加中散大夫世宗嗣事出爲建州刺史累遷侍中居腹心之寄與二張相亞出爲西兗州刺史河清二年徵還天統初轉太常卿武平中卒官

趙彥深

按北齊書趙彥深傳彥深自云南陽宛人漢太傅熹之後高祖父難爲清河太守有惠政遂家焉清河後改爲平原故爲平原人也本名隱避齊廟諱故以字行父奉伯仕魏位中書舍人彥深幼孤貧事母甚孝初爲尚書令司馬子如賤客用爲尚書令史子如言

於神武徵補大丞相功曹參軍及神武崩文襄慮河南有變乃委彥深後事轉大行臺都官郎中封安國縣伯文宣嗣位進爵爲侯天保初累遷祕書監轉大司農出爲東南道行臺尚書徐州刺史爲政尚恩信爲吏人所懷徵爲侍中河清元年進爵安樂公累遷尚書左僕射尚書令爲特進封宜陽王武平二年拜司空七年薨有七子仲將知名仲將沈敏有父風學涉羣書善草隸位給事黃門侍郎散騎常侍隋開皇中位吏部郎終於安州刺史

趙猛

按北齊書趙猛傳猛太安狄那人姊爲文穆皇帝繼室生趙郡公琛猛性方直頗有器幹高祖舉義遷南營州刺史卒

趙輔和

按北齊書趙輔和傳輔和清都人少以明易善筮爲館客太寧武平中筮後宮誕男女及時日多中遂授通直常侍

趙深

按萬姓統譜深字德深武威人累遷侍中將軍源州大中正武平末徐州行臺左僕射徐州刺史

北周

趙善

按周書趙善傳善字僧慶楚國公貴之從祖兄也祖國魏洛州刺史父更安樂太守善沈毅有遠量永安初爾朱天光辟爲主簿普泰初拜驃騎將軍除持節東雍州諸軍事天光東拒齊神武於寒令陵善又以長史從及天光敗見殺賀拔岳復以爲長史岳爲侯

莫陳悅所害善共諸將翊戴太祖魏孝武西遷除都官尚書封襄城伯頃之爲北道行臺遷車騎大將軍尚書右僕射進爵爲公大統三年轉左僕射善性溫恭有器局雖位居端右而逾自謙退九年從戰邛山爲敵所獲遂卒於東魏諡曰敬子度字幼濟車騎大將軍儀同三司度弟絢字會續驃騎大將軍開府儀同三司浙資二州刺史

趙貴

按周書趙貴傳貴字元貴天水南安人也曾祖達魏庫部尚書祖仁以良家子鎮武川因家焉貴少有節槩魏孝昌中爾朱榮以爲別將從討元顥授伏波將軍從賀拔岳平關中賜爵魏平縣伯累遷鎮北將軍及岳爲侯莫陳悅所害將吏奔散莫有收者貴詣悅詐降悅信之因請收葬岳言辭慷慨悅壯而許之貴乃收岳屍還與寇洛等糾合其衆奔平涼共圖拒悅首議迎太祖太祖至以爲大都督領府司馬悅平以本將軍持節行秦州事當州大都督爲政清靜民吏懷之以預立魏文帝勳進爵爲公拜侍中除雍州刺史六官建以貴爲太保孝閔帝踐阼遷太傅進封楚國公晉公護攝政貴自以元勳佐命每懷快快謀殺護尋爲宇文盛所告被誅

趙剛

按周書趙剛傳剛字僧慶河南洛陽人也曾祖蔚魏并州刺史祖寧高平太守太平中除寧遠將軍剛起家奉朝請累遷鎮東將軍魏孝武與齊神武構隙剛密奉旨召馮景昭率兵赴關未及發而孝武西遷侯景逼穰城東荊州人楊祖歡起兵應景景昭戰敗剛

遂沒於蠻後自贖免乃見東魏東荊州刺史李魔憐勸令歸開西魔憐乃使剛入朝封陽邑縣子論功進爵臨汝縣伯除潁川郡守從復弘農進拜大都督轉陳留郡守除尚書金部郎中別破侯景前驅於南陸除營州刺史進爵爲公入爲光祿卿孝閔帝踐祚出爲利州總管遇疾卒於路諡曰成子元卿嗣

趙文表

按周書趙文表傳文表其先天水西人也後徙居南鄭累世爲二千石父江歷官東巴州刺史文表少而修謹便弓馬起家爲太祖親信魏恭帝元年征山南以功授都督復從宇文貴鎮蜀行昌城郡事加中軍將軍保定元年轉大都督從宇文貴使突厥迎皇后別封伯陽縣伯天和三年除梁州總管府長史大象中拜吳州總管時開府于顯爲吳州刺史懼文表圖己謀欲先之乃稱疾不出文表往問之顯遂手刃文表隋文以諸方未定恐顯爲變遂授顯吳州總管後知文表無異志聽其子仁海襲爵

趙肅

按周書趙肅傳肅字慶雍河南洛陽人也世居河西曾祖武始歸於魏祖興中書博士父申侯後軍府主簿肅早有操行知名於時魏正光五年鄆元爲河南尹辟肅爲主簿未安初授廷尉天平二年轉監後以母憂去職起爲廷尉正遷左將軍東魏天平初除新安郡守秩滿還洛大統三年獨孤信東討肅率宗人爲鄉導授司州治中轉別駕監督糧儲軍用不匱九年行華山郡事十三年除廷尉少卿封清河縣子十六年除廷尉卿肅久在理官執心平允廉慎自居不

營產業十七年進位車騎大將軍儀同三司散騎常侍賜姓乙弗氏感心疾去職卒於家子正禮齊王憲府屬大都督新安郡守

趙昶

按周書趙昶傳昶字長舒天水南安人曾祖襄仕魏至中山郡守因家於代祖泓廣武令父琛上谷郡守昶少有志節以材力聞孝昌中起家拜都督鎮小平津魏北中郡將高千甚敬重之千牧兗州以昶行臨漢北梁二郡事大統初擢爲相府典籤氏梁道顯叛太祖遣昶討論之道顯即款附秦州刺史魏光因徙其衆帥四十餘人并部落於華州太祖即以昶爲都督領之封章武縣伯十五年拜安夷郡守進撫軍將軍又拜武州刺史世宗初進爵長道郡公賜姓宇文氏二年徵拜賓部中大夫行吏部尋以疾卒

趙文深

按周書趙文深傳文深字德本南陽宛人父遐以醫術進仕魏爲尚藥典御文深少學楷隸年十一獻書於魏帝立義歸朝除大丞相府法曹參軍大統十年追論立義功封白石縣男遷縣伯下大夫天和元年除趙興郡守以疾卒

隋

趙熈

按隋書趙熈傳熈字賢通天水西人也祖趙宗魏河東太守父仲懿尚書左丞熈少孤養母至孝略涉書史周太祖引爲相府參軍事累轉中書侍郎閔帝受禪遷陝州刺史時周人於江南岸置安蜀城以禦陳陳將吳明徹屢爲寇患熈勒兵禦之前後十六戰每

挫其鋒以功授開府儀同三司遷荊州總管長史入爲民部中大夫除益州總管長史未幾入爲天官司會累遷御正上大夫高祖爲丞相遷大宗伯及踐阼熈授璽統進位大將軍賜爵金城郡公出爲陝州刺史俄轉冀州刺史甚有威德開皇十九年卒子義臣官至太子洗馬後同楊諒反誅

趙芬

按隋書趙芬傳芬字士茂天水西人也父演周秦州刺史芬少有辯智周太祖引爲相府鎧曹參軍累遷熊州刺史宇文護召爲中外府掾武帝親總萬機拜內史下大夫轉少御正封淮安縣男遷東京左僕射進爵郡公開皇初拜尚書左僕射俄兼內史令未幾以老病出拜蒲州刺史徵還京師後數年卒子元恪嗣官至揚州總管司馬少子元楷大業中爲歷陽郡丞趙拜江都郡丞兼領江都官使

趙綽

按隋書趙綽傳綽河東人也性質直剛毅在周初爲天官府史累轉內史中士高祖爲丞相引爲錄事參軍從擊叛蠻以功拜儀同高祖受禪授大理丞遷尚書都官侍郎未幾轉刑部侍郎每有奏獻正色侃然上嘉之漸見親重遷大理少卿仁壽中卒官有二子元方元襲

趙才

按隋書趙才傳才字孝才張掖酒泉人也祖隗魏樂浪太守父壽周順政太守才少驍武屢以軍功遷上儀同三司配事晉王及王爲太子拜右虞候率卽位遷右驍衛將軍以藩邸舊臣漸見親待才亦恪勤匪

懈所在有聲從征吐谷渾以爲行軍總管及遼東之役再出碣石道還授右候衛大將軍時帝每有巡幸才恆爲斥堠肅過茲非無所迴避宇文化及弑逆才鬱鬱不得志俄而化及爲竇建德所破才復見擄心彌不平數日而卒

趙軌

按隋書趙軌傳軌河南洛陽人也父肅魏廷尉卿軌少好學有行檢周蔡王引爲記室以清苦聞遷衛州治中高祖受禪轉齊州別駕有能名授原州總管司馬後數年遷陝州刺史甚有恩惠尋轉壽州總管長史秩滿歸鄉里卒於家子弘安弘智並無名

趙仲卿

按隋書趙仲卿傳仲卿隴西天水人也父綱周大將軍仲卿性麤暴有膂力從擊齊將段孝先於姚襄城以功授大都督平齊之役以功遷上儀同兼趙郡太守入爲綏伯中大夫王謙作亂仲卿督兵出戰前後一十七陣及謙平進位大將軍封長垣縣公高祖受禪進爵河北郡公開皇三年出鎮平涼尋拜石州刺史法令嚴猛纖微之失無所容捨拜朔州總管有表

言仲卿酷暴者上惜其功不罪仲卿益恣由是免官仁壽中檢校司農卿蜀王秀之得罪奉詔往益州窮按之秀賓客經過之處仲卿必深文致之煬帝嗣位判兵部工部二曹尚書事卒諡曰肅子弘嗣

趙元淑

按隋書楊元感傳趙元淑父世模初事高寶寧後以衆歸周授上開府寓居京兆之雲陽高祖踐阼恆典宿衛伐陳遇賊力戰而死朝廷以其身死王事令于

元淑襲父官元淑性疎宕不事生產授驃騎將軍及煬帝嗣位漢王諒作亂元淑從楊素擊平之以功進位柱國拜德州刺史尋轉潁川太守並有威惠拜司農卿楊元感有異志知元淑可與其亂遂與結交多遺金寶元淑因與通謀及元感敗人有告其事者帝大怒斬於涿郡籍沒其家

趙昱

按尚友錄昱嘉州刺史時有老蛟爲害昱率千人臨江鼓譟自持刀入水有頃江水盡赤昱執蛟奮波而出唐太宗封神勇大將軍廟祀灌江口

趙師雄

按尚友錄師雄雒陽人開皇中過廣州南海縣羅浮山天寒日暮見林間酒肆旁茅舍一美人淡妝靚色素服出迎時殘雪未消月色微明師雄與語極清麗芳香襲人乃與扣酒家門共飲一綠衣童子歌笑師雄不覺醉臥既覺但覺風寒相襲東方未明熟視乃在大梅樹下有翠羽嘈唧其上月落參橫惆悵而已

唐

趙弘智

按唐書趙弘智傳弘智河南新安人元魏車騎大將軍肅之孫蚤喪母事父篤孝通書傳仕隋爲司隸從事武德初大理卿郎楚之白爲詹事府主簿太宗時預論讓錄勤縣太子舍人進黃門侍郎出爲萊州刺史稍遷太子右庶子拜光州刺史未徵初入爲陳王師四年進國子祭酒卒諡曰宣兄弘安亦終國子祭酒

趙文恪

按唐書裴寂傳趙文恪并州人爲隋鷹揚府司馬義兵起授右三統軍武德二年擢都水監封新興郡公時中國經大亂馬耗會突厥講和詔文恪至并州與齊王誘市邊馬以備軍劉武周寇太原屬城盡沒李仲文守浩州兵力孤絕齊王使文恪率步騎千餘助守會太原陷遂棄城遁詔下獄死

趙師

按尚友錄師字耶利善鼓琴貞觀初獨步上京嘗云吳聲清婉若長江廣流縣餘徐逝國士之風蜀聲躁急若急浪奔雷亦一時俊快

趙武孟

按萬姓統譜武孟張掖人少游獵以所獲饋其母母泣曰汝不好書而教蕩吾安望哉不爲食武孟感激力學淹該書記自長安丞爲右臺御史著河西人物志十篇

趙不器

按尚友錄不器子夏日冬曦和璧安貞居貞頗貞秉貞父子八人皆及第時稱科第趙家

趙師舉

按唐書孝友傳高宗時絳州人趙師舉父爲人殺師舉幼母改嫁仇家不疑師舉長手殺讎人詣官自陳帝原之

趙孝祖

按萬姓統譜孝祖永徵中朗州總管討白水蠻平之因奏勃弄以西與葉榆洱河相接無大酋長好結讎怨明年移文大破西南夷撫而安之其境遂定

趙元

按唐書陳子昂傳趙元者字貞固河間人祖挾號通儒在隋與同郡劉焯俱召至京師補黎陽長徙居汲元少負志略好論辨來游維陽士爭慕嚮武后方稱制懼不容其高調宜祿尉到職非公事不言彈琴時藥如隱者之操卒年四十九其友魏元忠孟詵宋之間崔球等共諡昭夷先生

趙彥昭

按唐書趙彥昭傳彥昭字奧然甘肅張掖人父武孟自長安承爲右臺侍御史彥昭及進士第自新豐丞爲左臺監察御史景龍中累遷中書侍郎同中書門下平章事睿宗立出爲宋州刺史坐累貶歸州侯授涼州都督爲政嚴下皆股慄入爲吏部侍郎遷御史大夫改刑部尚書封耿國公彥昭本以權幸進中宗時有巫趙挾鬼道出入禁掖彥昭以姑事之於是殿中侍御史郭震劾暴舊惡會姚崇執政惡其爲人貶江州別駕卒

趙冬職

按唐書趙冬職傳冬職定州鼓城人進士擢第歷左拾遺開元初遷監察御史坐事流岳州召還入集賢院修撰未幾知史官事遷考功員外郎踰年爲直學士俄遷中書舍人以國子祭酒卒

趙驊

按唐書趙宗儒傳宗儒父驊字雲卿少嗜學履尚清鯁開元中擢進士第累遷祕書少監涇原兵反驊竄山谷病死

趙熙正

按萬姓統譜熙正開元末爲晉江縣令開晉江鑿溝

通舟楫至城下民德之

趙居貞

按萬姓統譜居貞鼓城人天寶九年吳郡太守以海鹽地廣奏割置華亭縣

趙奉璋

按萬姓統譜奉璋咸寧太守上言李林甫罪二十條杖殺之

趙蕤

按尚友錄蕤鹽亭人篤學不仕雅與李白善稱布衣交著書號長短經

趙涓

按唐書趙涓傳涓冀州人天寶時第進士補鄆城尉稍歷臺省德宗初爲衢州刺史始末泰時禁中火近東宮代宗疑之涓驗治明詔帝頗德之及治衢爲觀察使韓滉所奏免官帝見其各拜尚書左丞興元元年卒

趙憬

按唐書趙憬傳憬字退翁渭州隴西人曾祖仁本仕爲吏部侍郎憬志行峻潔寶應中試江夏尉進太子舍人建中初擢水部員外李泌薦之拜給事中貞元中以尚書左丞進中書侍郎同中書門下平章事與陸贄同輔政贄於裁決少所讓絀是不平贄能乃始當國輔政五年卒諡曰貞

趙延之

按萬姓統譜延之大曆中巴川令時資瀘夷賊寇掠縣境延之領兵襲破之以功陞合州刺史兼渝合資瀘經略巡撫使

趙宗儒

按唐書趙宗儒傳宗儒字秉文鄆州穰人八代祖形後魏征南將軍父驊宗儒第進士授校書郎判入等補陸渾主簿數月拜右拾遺翰林學士再遷司勳員外郎貞元六年領考功事黜陟詳當無所回憚累遷給事中十二年以本官同中書門下平章事居二歲罷爲太子右庶子遷吏部侍郎元和初檢校禮部尚書充東都留守三遷至檢校吏部判南節度使拜御史大夫改吏部尚書太和六年授司空致仕卒諡曰昭宗儒以文學歷將相位任崇劇然無儀矩以治生瑣碎失名

趙翊

按萬姓統譜翊安州人徙居天水母歿廬墓刺血以寫佛書及父歿益毀瘠翊卒子光遠毀瘠如其父詔表其門墓

趙植

按萬姓統譜植當德宗出符變起倉卒羽衛單寡朱泚攻城急植率家人奴客以死拒守獻家財勞軍帝嘉之賊平累擢鄭州刺史鄭滑節度使

趙昌

按唐書趙昌傳昌字洪祚天水人始爲昭義李承昭節度府屬累遷度州刺史安南酋獫狁拜昌安南都護夷落嚮化毋敢築居十年還朝爲國子祭酒憲宗初立檢校戶部尚書遷嶺南節度使降韓陳荒以勞徙節荆南召入再遷工部尚書兼大理卿出爲華州刺史遷太子少保卒諡曰成

趙矜

按唐書趙弘智傳弘智兄弘安弘安曾孫於舉明經調舞陽主簿吳少誠反以縣歸徙襄城主簿歷襄陽丞客死柳州官為斂葬後十七年子來章始壯自襄陽往求其喪不得野哭再閱旬卜人秦謂為策乃得於墓直社北遂歸葬弘安墓次時人哀來章孝皆為出涕云

趙博宣

按唐書趙涓傳涓子博宣擢進士第藻翰豪邁沈於酒傲忽少檢陳許曲環辟署於府久不能堪乃誣受吳少誠金為反間數言休咎惑眾有詔杖四十流康州時人冤之

趙德

按尚友錄德海陽人明經博古力排異端以文學著韓愈聘為士子師潮人知學自此始號為天水先生

趙知微

按萬姓統譜知微衡山人穆宗時以布衣上書詞旨危切帝詔宰相慰諭宰相因賀天子納諫然不能用

趙榮

按萬姓統譜榮太和中泉州刺史開晉江縣天水匯以灌田民甚德之

趙隱

按唐書趙隱傳隱字大隱京兆奉天人祖植嶺南節度使終於官父存約辟署與元李絳府值軍亂同被害隱以父死難與兄驚廬墓幾十年闔門誦書不應辟召親友更敦勉令仕會昌中擢進士第歷州刺史河南尹以兵部侍郎領鹽鐵轉運使咸通末進同中書門下平章事性仁悌不敢以貴權自處臨終宣歙

觀察使僖宗初罷為鎮海軍節度使王郢之亂坐撫御失宜下除太常卿廣明初為吏部尚書居母喪卒子光逢光奇光引皆第進士

趙縱

按萬姓統譜縱守慶州與党項戰死杜牧哭以詩將軍獨乘鐵騎馬榆奚戰中金僕姑死國却自古來有曉將自驚今日無

趙和

按萬姓統譜和咸通中江陰令能以片言折獄淮陰有農為西鄰不認贖契錢八百緡州縣不能決越江來訴事乃明

趙德諲

按唐書趙德諲傳德諲蔡州人從秦宗權為右將以討黃巢功授申州刺史光啓初宗權假德諲山南東道節度留後明年德諲度宗權必敗舉地附朱全忠全忠方為蔡州四面行營都統即表以自副宗權平加中書令封淮安郡王卒子匡凝嗣

趙觀文

按萬姓統譜觀文臨桂人乾寧初狀元及第是年試觀人文化成天下賦內出白鹿宣示百僚詩放進士張貽憲等二十五人觀文第八被黜者訴不當乃重試觀文遂魁多士相傳是時劉季述輩專橫觀文以為言忤宰相崔引意謝病歸或又謂官終待講

後梁

趙準

按五代史趙準傳準其先青州人也世為陳州牙將刺史聞其材召置麾下累遷忠武軍馬步軍都虞侯

黃巢起陳州豪傑詣忠武軍求得準為刺史已而巢陷長安準治城池為守備遷民六十里者皆入城中選其子弟配以兵甲以其昶珣為將巢東走遣孟楷據項城昶擊破之巢聞大怒悉其眾圍準圍凡三百日準食將盡乃乞兵於梁梁太祖自將會陳準乃解去準以梁援已恩為太祖立生祠以其子嚴尚太祖女唐昭宗即以陳州為忠武軍拜準節度使準已病乃以位與其弟昶後數月卒昶乘大寇新滅乃休兵課農事梁尤謹昶卒珣代立兄弟居陳二十餘年陳人大賴之梁太祖取同華徙珣為同州留後入唐為右金吾衛上將軍歲餘以疾免官歸陳卒於家準次子嚴梁末帝時為戶部尚書租庸使莊宗兵至末帝死嚴走投投韜韜斬其首以獻

趙昶

按萬姓統譜昶字大東準之弟神采軒異而內沈厚有法度黃巢圍陳昶夜寢若有神相之者比旦決戰禽酋數人斬千餘級準領泰寧節度以昶為州刺史

趙珣

按萬姓統譜珣字有節雄毅喜書善騎射黃巢圍陳珣激勵麾下約皆死庫有巨弩機牙壞不能張珣以意調治激矢至五百步人馬皆洞賊畏不敢逼以勞授檢校尚書右僕射

趙光逢

按五代史趙光逢傳光逢字延吉父隱唐左僕射光逢在唐以文行知名時人稱其方直溫潤謂之玉界尺昭宗時為御史中丞奉官居洛陽柳彧為相起為

吏部侍郎唐亶事梁爲中書侍郎累遷左僕射致仕末帝卽位起爲司空復致仕唐天成中卽其家拜太保封齊國公卒

趙匡凝

按五代史趙匡凝傳匡凝字光儀蔡州人也其父德諤河陽保義義昌三節度行軍司馬卒子匡凝自立雷彥恭襲取荆南匡凝遣其弟匡明逐彥恭太祖表匡凝荆襄節度使以匡明爲荆南留後是時唐哀藩鎮不復奉朝廷獨匡凝兄弟貢賦不絕匡凝爲人氣貌甚偉性方嚴喜自脩飾頗好學問聚書數千卷爲政有威惠太祖弒昭宗謀代唐匡凝不從太祖攻之匡凝戰敗奔於楊行密匡明奔於蜀其後行密死遷匡凝海陵爲徐溫所殺匡明卒於蜀

後唐

趙鳳

按五代史趙鳳傳鳳幽州人也少以儒學知名依燕王弟守奇奔梁守奇卒鳳去爲鄆州節度判官晉取鄆州莊宗聞鳳名以爲扈鑾學士莊宗卽位拜鳳中書舍人翰林學士明宗不通文字四方章奏常使安重誨讀之重誨亦不知書孔循敦重誨求儒者置之左右於是置端明殿學士以馮道及鳳爲之朱守殷反明宗幸汴州守殷已誅又詔幸鄴從駕諸軍洶洶而定州王都以爲天子圖己疑不自安人情大恐羣臣不復敢言鳳手疏責安重誨言甚切直重誨以白遂罷天成四年拜門下侍郎同中書門下平章事安重誨得罪羣臣無敢言者獨鳳數言重誨盡忠明宗以鳳爲朋黨罷爲安國軍節度使鳳在鎮所得俸祿

悉以分將校賓客廢帝入立召爲太子太保病足居於家清泰二年卒

趙玉

按萬姓統譜玉漁陽人嘗客滄州依節度使呂兗劉守光破滄州盡戮兗親屬兗子琦年十四玉負之以逃至太原變姓名丐衣食以給琦琦仕後唐至兵部侍郎當時燕趙間以玉能存呂氏之孤翕然稱之

後晉

趙在禮

按五代史趙在禮傳在禮字幹臣涿州人也少事劉仁恭爲軍校其後奔晉莊宗時爲効節指揮使將魏兵戍瓦橋關還至貝州軍士皇甫暉作亂推在禮在禮遂反自貝州還攻魏自稱兵馬留後莊宗遣元行欽討之不克乃遣明宗代行欽明宗至鄴軍變因入城與在禮合明宗卽位拜鄴都留守求從鎮橫海歷鎮秦寧歸德晉昌所至邸店羅列積貲巨萬晉出帝時以在禮爲北面行營馬步軍都虞候以擊契丹晉亡契丹入汴在禮遇拽刺等拜於馬首拽刺共侵辱之誅責貨財在禮不勝其憤行至鄭州自經而卒

趙瑩

按五代史趙瑩傳瑩字元暉華州華陰縣人也爲人純厚美風儀晉高祖爲節度使常以瑩從高祖卽位拜翰林學士承旨同中書門下平章事出爲晉昌軍節度使契丹滅晉瑩從出帝北徙周太祖時與契丹通好遣田敏使於契丹遇瑩於幽州瑩悲不自勝瑩子易則易從當其徙而北也與易從俱而易則留事漢官至刑部郎中後瑩病將卒告於契丹願以尸還

中國及卒遣易從護其喪南歸

後漢

趙思綰

按五代史趙思綰傳思綰魏州人也爲河中節度使趙贊牙將漢高祖卽位徙贊鎮永興贊入朝留思綰兵數百人於永興高祖遣王景崇至永興以兵迎回鶻與思綰俱西高祖遣使者召思綰是時侯益來朝思綰以兵從益東歸行至永興遂閉門劫庫兵以叛高祖遣郭從義討之經年莫能下居數月城中食盡乃詣從義乞降拜鎮國將軍留後趣使就鎮思綰遲留不行乃遣人白郭威威命從義圖之父于俱斬於市

後周

趙延義

按五代史趙延義傳延義字子英秦州人也會祖省躬通數術避亂於蜀延義仕蜀爲司天監蜀亡仕唐爲星官契丹滅晉延義至鎮州李筠白再榮謀歸漢猶豫未決延義假數術贊成之周太祖自魏以兵入京師召延義爲太府卿判司天監以疾卒

欽定古今圖書集成明倫彙編氏族典
第四百二十九卷目錄
趙姓部列傳三

遼

趙延壽

趙安仁

宋一

趙廷美

趙晃

趙普

趙上交

趙延進

趙玘

趙文度

趙修己

趙德芳

趙元偁

趙元傑

趙元偁

趙元億

趙昌言

趙安仁

趙贊

趙職

趙抱一

趙允讓

趙振

趙思溫

趙微

趙贊

趙彥徽

趙安易

趙逢

趙孚

趙鄰幾

趙延溥

趙德昭

趙元佐

趙元份

趙元偁

趙元偁

趙銘

趙宗萬

趙自化

趙昭

趙自然

趙祐

趙賀

趙湘

趙及

趙滋

趙庶明

趙良規

趙師旦

趙頴

趙榮

趙明叔

趙俱

趙似

趙君錫

趙丙

趙積

趙誠

趙師民

趙尚寬

趙顥

趙瞻

趙扑

趙必

趙偁

趙禹

趙吼

氏族典第四百二十九卷

趙姓部列傳三

遼

趙延壽

按遼史趙延壽傳延壽本姓劉恆山人父郊令衛梁開平初劉守文陷蓟其裨將趙得鈞獲延壽養以爲子唐明宗先以女妻之及即位拜駙馬都尉出爲宣武軍節度使清泰初與其父俱降會同初晉人背盟帝親征延壽爲先鋒下貝州授魏博等州節度使封

魏王遷中京留守大丞相世宗即位以翊戴功授樞密使天祿二年薨

趙思溫

按遼史趙思溫傳思溫字文美盧龍人隸燕帥劉仁恭幕李存勖問罪於燕思溫統偏師拒戰爲存勖所擒授平州刺史神冊二年太祖遣大將經略燕地思溫來降及伐渤海以思溫爲漢軍都團練使力戰拔扶餘城太宗即位以功擢檢校太保保靜軍節度使天顯十一年改南京留守尋改臨海軍節度使會同二年卒子延昭延靖官至使相

趙安仁

按遼史趙安仁傳安仁字小喜深州樂壽人自幼被俘統和中爲黃門令秦晉國王府祇候王薨授內侍省押班御院通進重熙初授左承宣監門衛大將軍充契丹漢人渤海內侍都知後不知所終

趙徽

按遼史趙徽傳徽南京人重熙五年擢甲科累遷大理正歷繁劇有能名遷翰林學士承旨咸雍初爲度支使三年拜參知政事出爲武定軍節度使後同知樞密院事兼南府宰相門下侍郎平章事致仕卒諡文憲

宋一

趙廷美

按宋史魏王廷美傳廷美字文化太祖兄弟五人兄光濟早亡宋興追封曹王弟光贊幼亡追封岐王建隆元年授廷美嘉州防禦使太宗即位加中書令開封尹封齊王從征太原進封秦王七年或告廷美有

陰謀罷開封尹授西京留守會趙普再相廉得盧多
遜與廷美交通事上怒勒歸私第降為涪陵縣公房
州安置雍熙元年卒追封為涪王諡曰悼徽宗即位
改封魏王子十人德恭德隆德彝德雍德鈞德欽德
潤德文德恩德存德鈞子承簡襲封徐國公諡和懿
承簡既薨德雍子承亮襲封泰國公奉廷美祀薨諡
恭靜子克愉嗣克愉卒子叔牙嗣德恭字復禮封安
定郡侯端拱元年進封郡公景德初卒子承慶承壽
承慶官至和州團練使子六人克繼定武軍節度觀
察雷後承壽終南作坊使子四人克己終右千牛衛
大將軍子叔韶字君和賜進士及第終和州防禦使
克修字子莊終成州團練使子叔充卒官唐州防禦
使德隆字日新雍熙三年卒官沂州守子承訓官至
順州刺史卒德彝字可久封長寧郡侯大中祥符八
年卒諡安簡子承謨前卒承矩終莊宅使承助至供
奉官承範承拱並西京作坊使承衍內殿崇班承錫
供奉官德雍字仲達終天平軍節度觀察雷後子承
睦承亮承睦終虔州觀察使德鈞字子正至右監門
衛大將軍卒子承震早卒承緒供奉官承偉承雅承
裔承鑑承則並西京作坊使承裕禮賓副使承翊內
殿崇班承簡襲徐國公承幹終懷州防禦使子克敦
以宣州觀察使卒德欽字丕從右羽林將軍子承遵
西京作坊使德潤字溫玉右羽林將軍德文字子紅
慶曆四年封東平郡王六年薨諡恭裕子承顯官至
昭化軍節度使薨德恩字公謹為左武衛大將軍卒
德存字安世左羽林將軍子承衍禮賓副使

趙贊

按宋史趙贊傳贊字元輔本名美後改焉幽州薊人
祖德鈞後唐盧龍節度父延壽忠武軍節度贊幼聰
慧明宗甚愛之賜童子及第清泰末晉祖起并門德
鈞父子降晉契丹主盡錮之北去贊獨與母雷西洛
天福三年晉祖命贊奉母歸雷雷鎮河中漢祖起贊
軍開運末延壽從契丹北歸贊雷鎮河中漢祖起贊
奉表勸進入朝即命為左驍衛上將軍周世宗南征
命為淮南道行營左廂排陣使淮南平以戰功多授
保信軍節度贊入視事盡去苛政務從寬簡居民便
之宋初移忠正軍節度開寶二年為河東道行營都
虞候四年改鎮鄜州太宗即位進封衛國公太平興
國二年卒

趙晃

按宋史趙晃傳晃真定人周祖鎮鄴中晃委質麾下
周祖開國轉作坊使世宗嗣位領賀州刺史從征劉
崇轉虎捷右廂都指揮使及征淮南為緣江步軍都
指揮使壽春平拜檢校太保河陽三城節度恭帝即
位加檢校太傅宋初加檢校太尉未幾以疾歸京師
卒

趙彥微

按宋史韓重贊傳太祖以重贊與張光翰趙彥微分
領諸軍節度嘉其翊戴功也彥微真定安喜人與太
祖同事世宗太祖兄事之及卒贈侍中

趙普

按宋史趙普傳普字則平幽州薊人父迴徙常山又
徙河南洛陽普沈厚寡言太祖拔滁州宰相范質奏
為軍事判官太祖受禪以佐命功授右諫議大夫建

隆三年拜樞密使乾德二年以普為門下侍郎平章
事普為政頗專廷臣多忌之時官禁私販秦隴大木
普嘗遣親吏詣市屋材吏因之竊鬻都下又以隙地
私易尚食蔬圃又營邸店規利太祖怒出為河陽三
城節度太平興國初入朝頗為盧多遜所毀會柴禹
錫等告秦王廷美將有陰謀帝召問普言願備樞軸
以察姦變退又上書自陳預聞顧託之事辭甚切至
太宗感悟召拜司徒八年出為武勝軍節度帝作詩
以餞之雍熙四年移山南東道節度使表求入覲冊
拜太保上表求致仕以為西京留守河南尹淳化三
年拜太師封魏國公卒諡忠獻子承宗羽林大將軍
知潭鄆二州皆有聲承熙成州團練使弟固安易固
至都官郎中

趙安易

按宋史趙普傳普弟安易字季和建隆初攝府州錄
事參軍再遷河南府推官會普居相位十年不赴調
太平興國中歷華邢二鎮掌書記部芻糧至太原城
下拜監察御史九年拜宗正少卿知定州徙為通判
未幾代歸歷知襄廬二州歸朝復領卿職安易略涉
書傳性強狠好談世務而疎闊不可用景德二年卒
子承慶為國子博士孫從政為太常寺奉禮郎

趙上交

按宋史趙上交傳上交涿州范陽人本名遠避漢祖
諱以字稱祖光鄴鄂州錄事參軍父簡章涿州司馬
上交美風儀善談論南游洛陽與中官馬紹宏善紹
宏領制置大使表為判官秦王從榮開府以上交為
虞部員外郎從榮不遵禮法好昵羣小上交從容言

之從榮怒出之從榮及禍僚屬皆坐斥上交由是知名晉初召爲左司郎中歷拜御史中丞彈舉無所阿避周廣順初拜禮部侍郎顯德二年拜吏部侍郎多請告不朝時出游別墅免官宋初起爲尚書右丞建隆二年卒

趙逢

按宋史趙逢傳逢字常夫馮州懷戎人父崇事劉守光爲牙校漢乾祐中逢求舉進士擢登甲科解褐授祕書郎直史館周廣順中歷左拾遺右補闕世宗嗣位遷禮部員外郎史館修撰宋初拜中書舍人太祖征澤潞逢規避行役貶房州司戶乾德初召赴闕授都官郎中知制誥二年改判昭文館未幾充樞密直學士蜀平出知閬州代還遷給事中開寶八年卒子極爲三班借職

趙延進

按宋史趙延進傳延進澶州頓丘人父暉周太子太師延進頗親學王景崇反暉爲都招討使擊之延進屢當軍鋒授鳳翔牙內指揮使周世宗征淮南召見授右千牛衛將軍宋初遷右羽林將軍軍太平興國中大軍平并州討幽薊皆爲攻城八作據岩使以功遷右監門衛大將軍知鎮州徙知相州改知鄧州淳化初還判右金吾街杖事咸平二年卒延進姿狀秀整涉獵經史子昂太平興國二年登進士第至戶部郎中直昭文館

趙孚

按宋史趙安仁傳安仁父孚字大信周顯德初舉進士乾德中爲永寧令民懷其惠擢宗正丞開寶中初

置衣庫令孚主之俄坐事連逮抵罪太宗卽位爲國子監丞知袁州召拜祕書丞遷監察御史出知舒州改殿中侍御史雍熙中卒

趙玘

按宋史趙玘傳玘澶州人家富於財晉天福中以納粟助邊用補集賢小史調濮州司戶參軍會契丹構難秦帥何重建獻地於蜀孟知祥署高彥休秦州節度成爲支郡因署玘秦成階等州觀察判官周顯德初玘以城歸世宗授郢州刺史歷汝密澤三州刺史建隆中入爲宗正卿乾德初出爲秦州刺史二年改左監門衛大將軍判三司玘狂躁倖直多忤上旨太祖頗優容之嘗廉得宰相趙普私市秦隴大木事潛以奏白然懼普知因稱足疾求解職六年詣闕納所授告命詔勒歸私第踰年伺普入朝馬前揚言其短上聞之召玘及普於便殿面質其事玘大言詆普王溥等奏玘誣罔大臣上令御史鞠於殿庭普爲營救得寬其罰黜爲汝州牙校太平興國三年卒

趙鄰幾

按宋史趙鄰幾傳鄰幾字亞之鄆州須城人家世爲農鄰幾少好學能屬文周顯德二年舉進士解褐祕書省校書郎歷許州宋州從事太平興國初召爲左贊善大夫直史館改宗正丞遷左補闕知制誥數月卒

趙文度

按宋史北漢世家趙文度鄆州漁陽人父玉嘗客滄州依節度判官呂兗劉守光破滄州收兗親屬盡戮之兗子琦年十四玉負之以逃燕趙之士翕然稱之

清泰中琦爲給事中端明殿學士玉已卒矣文度入洛舉進士琦薦於主司擢甲科歷徐兗陳許四鎮從事漢初爲河東掌書記文度捷給善戲謔劉崇雅愛之及稱帝累官至門下侍郎與郭無爲不協出知汾州徙嵐州太祖開寶二年親征晉陽文度請降授檢校太傅安國軍節度歲餘徙華州又徙耀州卒

趙延溥

按宋史趙延溥傳延溥周顯德中以父任補左班殿直宋初爲鐵騎指揮使太宗卽位遷散指揮都虞候領恩州刺史從平太原略地燕薊師還遷內外馬步軍都軍頭領本州防禦使坐遺親吏市竹木矯制免算實授登州團練使帝北巡至大名復以延溥爲本州防禦使雍熙二年改蔚州觀察使判冀州會命曹彬等北征爲幽州西北道行營都監師還命知貝州改滑州四年再知貝州卒子承彬至內殿崇班承彬子咸一爲虞部員外郎知宗正丞事咸熙天聖八年進士及第

趙修己

按宋史趙修己傳修己開封浚儀人少精天文推步之學晉天福中李守真領滑州節制表爲司戶參軍雷門下漢乾祐中守真陰懷異志修己屢以禍福諭之不聽遂辭疾歸鄉里明年守真叛幕吏多伏誅獨修己得免朝廷知其能召爲翰林天文周祖鎮鄴奏參軍謀會隱帝誅楊邠史弘肇等且將害周祖修己知天命所在密與決渡河之計卽位以爲鴻臚少卿遷司天監顯德中累加檢校戶部尚書宋初遷太府卿判監事建隆三年卒

趙德昭

按宋史燕王德昭傳德昭字日新開寶六年授興元尹太平興國四年從征幽州軍中嘗夜驚不知上所在有謀立德昭者上聞不悅及歸不行太原之賞德昭以爲言上大怒德昭退而自刎追封燕王子五人惟正惟吉惟固惟忠惟和惟正拜建寧軍節度使卒諡僖靖無子以弟惟忠子從諫爲嗣惟吉字國祥封安定郡公大中祥符三年薨諡康孝子守節守約守異守度守廉守康守節累遷彰化軍節度卒諡僖穆子世永世延世永官至鎮南軍留後諡修孝世延終絳州防禦使守約終內園使子世靜世長世靜均州防禦使世長終解州防禦使守度終英州團練使守康至供奉官惟固字宗幹授左千牛衛將軍卒惟忠字令德昌州團練使子從恪從藹從秉從穎從謹從質從信從諫從恪累官西染院使子世規襲封崇國公從藹終齊州防禦使子世豐終太子右衛率世準世雄並安定郡王從信封榮國公官至雄州防禦使子世福襲安定郡王從秉從穎從謹並禮賓使從質內殿崇班從諫出繼惟正惟和字子禮大中祥符元年領澄州刺史六年卒子從審從誨從審終復州防禦使從誨終台州團練使子世開安定郡王

趙德芳

按宋史秦王德芳傳德芳太平興國元年授興元尹山南西道節度使同平章事六年薨贈中書令岐王及諡子惟叙惟憲惟能惟叙字懋功拜左千牛衛大將軍卒子從照封安國公從溥至內殿崇班惟憲字有則累遷左羽林將軍拜資州團練使大中祥符九

年卒子從式封安定郡王從演禮賓副使從戎從戒從湜並內殿崇班從真供奉官惟能字若拙累遷右神武軍將軍大中祥符元年卒子從古襲安國公從善內殿承制從贊崇班

趙元佐

按宋史漢王元佐傳元佐字惟吉太平興國中拜檢校太傅同中書門下平章事封衛王進封楚王初廷美遷涪陵元佐獨申救之廷美死元佐遂發狂雍熙二年重陽日內宴元佐不與夜縱火焚宮廢爲庶人眞宗卽位起爲左金吾衛上將軍聽養疾不朝平居不接人事而事或預知仁宗卽位兼江陵牧薨諡恭憲子三人允升允言允成允升字吉先累遷澶州觀察使卒子十三人宗禮宗旦宗悌宗惠知名宗禮終虔州觀察使子仲翹仲髦宗旦字子文拜同中書門下平章事宗悌字元發終明州觀察使卒諡孝惠宗惠終武昌軍節度觀察爾後允言累官黃州刺史卒子宗育終右屯衛將軍允成終濮州防禦使子宗顏宗訓宗鼎宗嚴宗魯宗儒宗奭皆爲環衛刺史

趙元僖

按宋史昭成太子元僖傳元僖雍熙二年爲開封尹封許王加中書令三年薨仁宗時詔以允成子宗保出後昭成太子爲孫襲封燕國公宗保卒于仲恕嗣官至忠州團練使諡純僖子士盦嗣

趙元份

按宋史商王元份傳元份太平興國八年封冀王雍熙三年進封越王眞宗卽位拜太傅眞宗北征爲東京留守薨子三人長允寧次允中早卒次則濮王允

讓也允寧字德之歷武定軍節度使景祐元年卒諡
僖簡子宗諤宗敏宗孟宗肅宗諤封虢國公官累集
慶軍節度使元豐五年薨諡恭宗肅封魯國公終
安化軍畱後宗敏終文州刺史

趙元傑

按宋史起王元傑傳元傑字明哲太平興國八年封益王淳化中徙封吳王領揚潤大都督府長史眞宗卽位授檢校太尉兼中書令改封兗王守太保六年薨無子仁宗以恭憲王之孫允言子宗望爲之後宗望字子國終右武衛大將軍舒州防禦使子仲郃嗣熙寧三年封陳國公官至陳州觀察使卒諡良僖于士開嗣

趙元偓

按宋史鎮王元偓傳元偓字希道端拱元年封徐國
公眞宗卽位授檢校太尉天禧元年進封徐王二年
薨子允弼累遷武軍軍節度使神宗卽位拜太保熙
寧二年薨諡孝定子宗績襲封韓國公卒諡良孝宗
績弟宗景封濟陰郡王紹聖四年薨諡曰思宗績旣
卒子仲瞻嗣

趙元偁

按宋史楚王元偁傳元偁字令聞右衛上將軍涇國公眞宗卽位進檢校太傅景德二年遷宣德保寧兩鎮進封舒王大中祥符五年拜太保七年薨子允則官至右千牛衛大將軍卒無子以平陽懿恭王之子宗達爲後熙寧三年襲封蔡國公薨子仲約嗣

趙元儼

按宋史周王元儼傳元儼少奇穎太宗特愛之真宗

即位授檢校太保仁宗即位拜太尉明道初拜太師封荆王慶曆三年薨子十三人允熙允良允迪允初餘皆早卒允熙終滁州刺史允良歷太保中書令薨諡榮易允迪累官耀州觀察使允初累遷寧國軍節度使同中書門下平章事治平元年卒無子以允成孫仲連爲之後

趙元億

按宋史崇王元億傳元億早亡治平中封安定郡王徽宗即位加封崇王

趙銘

按宋史趙銘傳銘字化鈞滄州樂陵人以刀筆事太宗於藩邸即位補東頭供奉官以告秦王廷美陰事遷六宅使出爲梓遂州都巡檢使代還知滄州又知廬州踰年召爲樞密都承旨俄拜宣徽北院使眞宗即位改南院使檢校太傅咸平元年卒銘少涉獵文史美書翰委質晉邸以勤謹被眷本名咨太宗改爲銘曰陶銘所以成器也三子忠輔西京左藏庫副使忠應虞部員外郎忠厚內殿崇班

趙昌言

按宋史趙昌言傳昌言字仲謨汾州孝義人父徽爲雍丘太康二縣令後終安觀察判官昌言舉進士太宗擢眞甲科爲將作監丞拜右拾遺遷右補闕知制誥雍熙初出知天雄軍召拜御史中丞遷工部侍郎時知制誥胡旦度支副使董儼皆昌言同年旦夕會昌言之第有傭書翟穎性險誕與旦狎且爲作大言之辭使穎上之其言多毀時政期昌言爲內應陳王尹開封廉知以聞坐貶崇信軍行軍司馬淳化二

年起知蔡州踰年召拜右諫議大夫復知天雄軍召拜參知政事眞宗即位知陝州移知永興軍咸平三年召知審官院景德初拜刑部侍郎命判尚書都省眞宗幸澶淵以盟津居要增屯兵命知河陽徙鎮州遷戶部侍郎大中祥符二年卒諡景肅子慶至太子洗馬

趙宗萬

按萬姓統譜宗萬字仲困少知名錢忠懿王器之入朝欲與之俱以老親辭不行既長博極書傳負經濟之術用進士應詔籍於春官宗萬天資蕭散於世故淡如也壯歲築室於郡之照水坊左瞰平湖前挹泰望鼓琴讀書怡然自適者三十餘年大中祥符中詔舉遺逸郡守康戢以宗萬薦尋被召乃曰吾老矣不足以任事因獻黿龜傳以自見且請自託於道家者流朝廷不奪其志即其家賜以羽服後十餘年卒

趙安仁

按宋史趙安仁傳安仁字樂道河南洛陽人曾祖武唐號州刺史父孚殿中侍御史安仁雍熙二年登進士第補梓州權鹽院判官歷大理評事光祿寺丞召試翰林以著作佐郎直集賢院遷太常丞眞宗即位拜右正言咸平中爲工部員外郎三年以右諫議大夫參知政事大中祥符初拜工部侍郎天禧二年改御史中丞卒諡文定子溫瑜良規承裕溫瑜後爲國子博士

趙自化

按宋史趙自化傳自化本德州平原人高祖嘗爲景州刺史後舉家陷契丹父知昂脫身南歸寓居洛陽

習經方名藥之術又以授二子自正自化周顯德中偕來京師知昂卒自正試方技補翰林醫學會秦國長公主疾有薦自化診候者疾愈表爲醫學再加尚藥奉御淳化五年授醫官副使咸平三年加正使景德二年卒

趙贊

按宋史趙贊傳贊并州人性險詖辯給好言利害隸三司爲走吏補殿直太宗頗任之遷供奉官專鉤校三司簿令贊自選吏十數人爲耳目專伺中書樞密及三司事乘間白之太宗以爲忠無他腸爲西京作坊副使度支都監至道元年上元節京城張燈太宗以上清宮成臨幸贊邀其黨數人攜妓樂登宮中玉皇閣太宗大怒配隸房州賜死於路

趙瑫

按宋史薛超傳趙瑫貝州清河人由衛士累遷龍衛指揮使以徐河戰功加鎮州團練使至兵馬部署至道二年卒於官

趙職

按宋史趙上交傳上交子職字可畏十二能屬文與兄股同舉進士歷殿中丞著作郎卒

趙自然

按宋史趙自然傳自然太平繁昌人家荻港旁以醫著爲業本名王九始十三疾甚父抱詣青華觀許爲道士後夢一人自云姓陰引之登高山教辟穀之法乃出青柏枝令啗夢中食之及覺遂不食神氣清爽每聞火食氣即嘔惟生果清泉而已嘗爲元道歌言脩煉之要知州王洞表其事太宗召赴闕賜道士服

改名自然遣還住青華觀大中祥符二年召至闕下
屢得對賜紫衣改青華觀曰延禧自然以母老求還
侍養許之

趙抱一

按宋史趙自然傳秦州民家子趙抱一者常牧羊田
間一夕有叩門召之者以杖引行至山崖絕頂見數
人會飲音樂交奏抱一駭而不測會巡檢司過其下
聞樂聲疑羣盜歡聚集村民梯崖而上至則無所覩
抱一獨在自是不喜熟食凡火化者未嘗歷口茹甘
菊柏葉果實并泉間亦飲酒貌如嬰兒素不習文墨
口占辭句頗成篇詠有道家之趣大中祥符四年至
京師猶卑角詔賜名度爲道士自是間歲或一至京
師常令居太一宮與人言多養生事焉

趙祐

按宋史悼獻太子祐傳祐母曰章穆皇后生九年而
薨賜諡悼獻明道二年追冊皇太子

趙允讓

按宋史濮王允讓傳允讓字益之商王元份子也仁
宗即位授汝州防禦使累拜寧江軍節度使嘉祐四
年薨追封濮王諡安懿王二十八子長宗懿英宗特
爲宿州團練使子仲鸞常州防禦使仲鸞弟仲汾官
萊州防禦使次宗樸爲隴州防禦使神宗即位加同
平章事封濮陽郡王薨子仲佺以潤州觀察使卒宗
諡官至昭化軍節度使薨宗暉以檢校司徒紹聖元
年薨子仲璫官合州刺史宗晟紹聖元年以武安軍
節度使判大宗正事薨宗愈鎮安節度使宗綽官至
河陽三城節度使宗楚武勝軍節度使宗祐清海軍

節度使宗漢檢校司徒大觀三年薨

趙賀

按宋史趙賀傳賀字餘慶開封封丘人及第補臨朐
縣主簿改大理評事真宗決策澶淵遣使省州縣賀
以太子中舍安撫京東改殿中丞歷通判明州宿州
徙知漢州蜀吏喜弄法而賀精明多所究詰人目爲
趙家關謂如關梁不可越也累遷光祿卿入判大理
寺出知越州坐失舉降知濠州遷給事中知鄭蔡壽
三州卒于宗道終集賢校理

趙振

按宋史趙振傳振字仲威雄州歸信人景德中從石
普於順安軍獲契丹陣圖授三班借職累遷泉州防
禦使擢鄆延路副都總管知延州賊寇塞門砦砦主
高延德監押王繼元皆沒於賊振坐擁兵不救法當
斬再貶潭州安置踰年復右武衛將軍惠州團練使
并代路兵馬鈐轄就遷副總管祁州團練使進博州
防禦使改解州致仕復起爲左神武大將軍卒振剛
強自負有武力使弓馬喜謀畫輕財尚氣衆樂爲用
子珣珣以陳執中薦爲緣邊巡檢使擢通事舍人
招討都監元昊大入珣居陝西北瑜亦在軍中戰甚
力俄夏騎四合珣被擒瑜以身免珣美風儀性勁特
好學恂恂類儒者既沒人多惜之後卒賊中瑜弟瑛
亦知名

趙湘

按宋史趙湘傳湘字巨源華州人進士甲科歷官至
工部郎中直昭文館出知河南府爲京西轉運使遷
太常少卿知襄州又知應天府進右諫議大夫爲集

賢院學士以疾卒

趙及

按宋史趙及傳及字希之其先幽州良鄉人父的事
契丹爲蔚州靈丘令雍熙中王師北征乃歸授優師
令因家焉及舉進士爲慈州軍事推官累遷兵部員
外郎擢兼侍御史知雜事數論時政遷戶部副使以
疾改刑部郎中直昭文館知衛州徙知河中府特拜
天章閣待制右司郎中祀明堂遷右諫議大夫還判
大理寺流內銓出知徐州卒

趙積

按宋史趙積傳積字表微其先單父人後徙宣城擢
進士第歷官至集賢院學士知益州或言積不達民
情喜尊大降知同州徙鳳翔京兆府三遷工部侍郎
知并州代還遷刑部侍郎天聖八年擢樞密副使遷
吏部侍郎時權出官掖積厚結劉美人家婢以故致
位政府章獻太后崩罷爲尚書左丞知河中府遷禮
部尚書致仕卒諡僖質

趙滋

按宋史趙滋傳滋字子深開封人父士隆天聖中爲
環慶路都監戰沒滋少果敢康定初以右侍禁選捕
京西叛卒有功遷左侍禁後爲鎮戎軍都巡檢范仲
淹韓琦經略陝西舉滋可將領開門祇候累遷西上
閣門副使歷知安肅軍保州滋強力精悍有吏能所
至稱治徙知雄州擢嘉州團練使英宗即位領端州
防禦使未幾卒

趙誠

按萬姓統譜誠字希中晉江人天聖中第進士通判